

## Enformaziuns y Comunicaziuns

**Festa Sant Ojöp da Oies:** En lönesc ai 29 de jená festejëia la Dlijia la festa dal Sant da Oies. Cöstes é les funziuns co vën tignides sön Badia y Oies.

**Domëgna 28/01/2018:** ales 10:00 mëssa te dljia de Badia zelebada dal Vësko Francesco Sarego SVD, abelida dal Cor de Dlijia de Badia; ales 16:00 mëssa sò Oies, zelebada dal Vësko Sarego y abelida dal Cor da Longiarü.

**Lönesc 29/01/2018:** ales 16:00 Mëssa sò Oies con p. Franz-Josef Campidell abelida da en quartët da San Martin; ales 20:00 Mëssa sò Oies con signor Degan Iaco Willeit, abelida dal Cor de Dlijia d'La Val.

**Prejentaziun dal Signur:** En vëndres ai 2 de forá é la festa dla Prejentaziun de Gejú tal tēmpl. En chël dé sarál mëssa ales 18:00, con benedisciun dles ciandëres. La oferta i vá ala Uniun dles Ères. Cösc dé gnarál ince dé la benedisciun de San Blaje.

**Dé dla Vita:** En domëgna ai 4 de forá pla gran mëssa gnarál festejé le Dé dla Vita. La Uniun dles Ères dëida recordé ai geniturs dai mituns bacês dal 2017 - duc chi co á ciafé l'envit dla Uniun dles Ères - da ti porté na fotografia, al plü tert cina ai 31 de jená 2018, a Edith Ferdigg Frenademetz, str. Plan de Coronas 42. lolan!

**Dis de preparaziun al maridé:** Sabeda y domëgna ai 7 y 8 d'aorí, tal zënter Saj.un sò La lla. Al mët man la sabeda ales 9 y se róa la domëgna ales 16 y é en gran pert por ladin. Cost: 150,00€ a pèr (curs + 2 iadi marëna). Iscriziuns te Sorvisc ai Jogn cina ai 29/03. Referënc: Lois Kastlunger (coordinadú), Christian Pedevilla (avocat), Gaia Mureda (efom y consulënta), signor Tone Fiung (preo y assistënt spiritual dles families).

**Zënter Families:** Le Zënter Families enviëia duc da jí a tomp de löna ete por la Val, a pe o coi schi da paslunch, en lönesc ai 29 de jená. An s'encunta ales 19:00 ta Fodara Masaronn, i plü gaierc ales 18:30 eten Chi Pëscpësc, por pié ia deboriada. Ta Pederü sarál na bona pasta. Prenotaziuns anter i 28/01 pa Luca dal Medo al 338/6690440.

**Comun:** Por chi co á ma sac dal ciomont y nia en chibl, vën i sac eniann partis fora por döt l'ann. Duc é enviës da passé te Comun dai 29 de jená ai 9 de forá, dertan i orars d'ofize (lönesc, dedolönesc, jöbia y vëndres dales 9 ales 12 y dedemesaledema dales 8 ales 12) a se do i sac por le 2018. An pó ince s'ai aposté por telefon al 0474/503755 o tres e-mail pa margareth.rubatscher@comun.mareo.bz.it

**Sorvisc ai Jogn:** Le Sorvisc ai Jogn chir jogn co á ligrëza da laoré con mituns y mitans desco animadus/dësses pal ISTÉ DEBORIADA 2018 (an mëss avëi la majera eté!). Por enformaziuns cherdé sò le 0474/523070 (lön-jöb, dales 8:00-12:00 y 13:00-17:00) o manuela@jogn.org. Termo por dé jö les domandes é i 9 de forá.

**Impressum:** Ploania d'Al Plan, str. Catarina Lanz nr. 46, 39030 Al Plan de Mareo  
**Comunicaziuns - cina al dedemesaledema sëra - da mené a:** Pablo Palfrader  
Tel. 333 4762010 Mail: [ploaniaalplan@gmail.com](mailto:ploaniaalplan@gmail.com)  
Download plata: [www.unitepastorala.org](http://www.unitepastorala.org)



## Plata dla Ploania Al Plan de Mareo San Vighile

Ploan: Signor Heinrich Perathoner  
E-Mail: [ploaniaalplan@gmail.com](mailto:ploaniaalplan@gmail.com)

Calogna Al Plan: 0474 501006  
Radio de Ploania: 93,00 MhZ

UNITÉ PASTORALA



VAL BADIA

[www.unitepastorala.org](http://www.unitepastorala.org)

Ann B 28.01.2018 - 4a dal Ann Liturgich - Sant Ojöp Freinademetz nr. 9

## Al insegnâ con autorité!

### Dal Vagnele do San Merch 1, 21-28

**A** Cafârnaum ea Gejú jü le dé de sábat tla sinagoga y â motü man da insegné. <sup>22</sup>Y la jont se fajea demorvëia de so insegnamont; deach'al ti insegnâ desco önn co á autorité, y no desco i stüdiës dla lege. <sup>23</sup>Te sòa sinagoga èa sonté en èl co ea impossessé da en rio spirit. Chël á motü man da scraié: <sup>24</sup>Ci áanse pa nos da fá con te, Gejú da Názaret? Este gnü a nes paré tla roina? I sá che che t'es: le Sant de Dio. <sup>25</sup>Danló l'á Gejú comané: Scuta y láscele! <sup>26</sup>Le spirit impur, stracenn chël èl ia y ca, l'á lascé con en dër scraiamont. <sup>27</sup>Danló s'á duc spordü, y ai se damanâ önn l'ater: Ci é pa cösc? En insegnamont nö, encündé con autorité! Cinamai i rí spirit ti olga a so comane. <sup>28</sup>Y so ennom se slariâ fora debota te döt le raiun dla Galilea.  
**Parora dal Signur. - Lalt a te, Gejú Crist!**

### I meditun la Parora


Gejú ti vá do a sòa misciun; al ti ensëgna y spliga la Parora de Dio ala jont, nia te na manira teorica y da stüfé, mo plëna de lereté, enteressanta y soradöt coerënta con la vita che Èl enstës fej. Al ne basta porchël nia ma da "sëi" les cosses dla fede y emparé adamonz les oraziuns. Al ô ester ince la testimonianza co pëia ia dla vita.

### I periun ensiö

Poa, Gejú, al é trepa jont da stüfé söle monn. Chi co baia en gröm y ne dij nia, o co mina da sëi döt, ma èi. No t'an avëi a mal sce i diji che val' iade n'él ince de chi co fej fora de to Vagnele val' da stüfé. I sá pö che Töa parora pó cambié le cör y la vita dles porsones. Che töes parores é de sapionza y fej gran morvëia. Fà che i tolunse dagnora sò la belëza y la novité de to message.

(Da Parola Amica - W. Cazzaniga)

## Sant Ojöp da Oies, prëia por nos!



**Domègna: 28.01.2018: IV. Fomègna: S.Ojöp Freinademetz**



**8.30:** S.M. a La Pli

**9.00:** Proa dal cor de dljia

**10.00:** S.M. por dōta la Ploania

**S.M. en onú de S.Ojöp da Oies - Freinademetz**

**18.00:** S.M. por +nc' Comploi Fighile de Mena y Sorus Colli

S.M. por +nta Agnes Oberbacher dal Lehrer

S.M. por +nt Graefer Dirk

S.M. por +nta Bergmeister Hedwig

**Lön.29.01.: Festa de S.Ojöp da Oies**

**7.30:** S.M. en onú de S.Ojöp Freinademetz

S.M. por +nt Trebo Otto, de Pire

S.M. por vís y +nc' dla Fam.Rindler Alois y Anna, Costata

S.M. por +nc' Paul y Michelina Kastlunger

S.M. por +nc' Lois y Pepi Castlunger dal Surt

**Dédol. 30.01.: Feria dla 4. edema dal ann: Sa.Serena, Sa.Martina**

**19.30:** Corona por la pesc

**Dédem 31.01.: Memoria de S.Giovanni Bosco: S.Eusebio, Sa.Emma**

**18.00:** S.M. por +nt Albert Mutschlechner dal Pech

S.M. por +nt Vittorio Coppola, Hot. Erica

S.M. por +nta Feichter Hanni de Corjel

S.M. aniv. por +nta Clara Tamers Oberbacher, de Burcia

**Jöbia 01.02.: Feria dla 4. edema dal ann: Sa.Brigida, S.Sverus**

Oraziun y vijita privata te dljia y cortina

**Vëndr.02.02.: Present.de Gejú: S.Alfred, Sa.Maria Katheri**

**13.00:** Al vegn porté la S.Comeniun ai amarês

**N.B.: Benedisciu dles cianderes: prozesciu te dljia**

S.M. por +nc' Romano y Cecilia Taibon

S.M. +nt Ties Tone dal Nora

S.M. por +nc' Willeit Johann y Hilda y Manfred Krämer

S.M. por +nc' Agreiter Vijio y Lidia, Flöss

**Dò messa benedisciu de S.Blaje**

**Sab.03.02.: Sancta Maria in sabato: S.Blasius, S.Ansgar,S.Hadelin**

**17.00:** Poscibilitè da se pisié

**18.00:** S.M. por +nc' Marlisa Zimpasser y Augusto De Cobelli

S.M. por +nc' Pramstaller Heinrich y Paula

S.M. por +nc' de Clara Pitscheider Franziska

S.M. por les Püres Animes

**N.B.: Benedisciu de S.Blaje**

**Dom.04.02.: V. Domègna dal Ann lit.: Domègna dla vita**

Oferta por i bojügnis dla ploania

**8.30:** S.M. a La Pli

**9.30:** Oraziun dla domègna: Corona de rengr. dla vita

**10.00:** Ingress da üsc de dljia dles omes y bacês tal 2017

**S.M. pro popolo en reingraziamont dla vita**

**Benedisciu con imposiziun dles mans**

**(motü adöm dla Uniun dles Ères)**

**18.00:** S.M. por Families de Tille Comploi de Mano

S.M. por +nta Carolina Clara

S.M. por +nt Hermann Trebo dal Schneider

S.M. por les Püres Animes

S.M. por +nc' Ties Franz y Rieder Erna, Ritterkeller



**Sant Ojöp Freinademetz**

Ojöp Freinademetz ea en gran miscionar motivé dala noela de Gejú Crist. Al á vit por ti dé ennant ai atri la speranza de chëra che èl enstès ea emplí.

Al viea y pordicâ la fede con dōta sōa convinziun y porchël ti portâ la jont en gran respet; con sōa manira de vire ala bona y con sōa bonté, s'ál davagné i cōrs dla jont.

Ojöp Freinademetz é nasciü ai 15 d'aorí 1852 sō Oies a S. Linert. Do la scora elementara a Badia, le ginase y le stüde de teologia a Porsenú, él gnü consacré preo ai 25 de messé 1875 tla dljia dal seminar. Dal 1876 cina al 1878 él sté caplan y maester a S. Martin de Tor. Spo él jü tla ciasa miscionara, fondada l'ann 1875, a Steyl tal Olanda.

Ojöp Freinademetz y Johann Baptist Anzer ea i pröms miscionars che le fondadú Arnold Janssen á podü mené ai 2 de merz 1879 tles misciuns dla Cina.

Do sōa introduziun tal laur dla misciu tal retrotera de Hongkong, á i dui miscionars de Steyl sorantut dal 1881 la misciu tal Shantung meridional.

Freinademetz se dea da fá tai raiuns, deslariés fora por le gran teritore y á motü en pe en gröm de comunités cristianes. Al ne se stanciá nia te so laur da miscionar y periâ sonza lascé do, deventan ensciö d'ejompl por i miscionars jog, che al insegnâ jö por so sorvisc te tera foresta, dandadöt do che al ea gnü provincial dai miscionars de Steyl tla Cina. Ennanter sis iadi ál enstès aministré por en bel pez la misciu tran les assénzes dal vëso. Ai 28 de jená 1908, endeblí da massa de gran fadies, él mort dal marac.

Ai 19 d'otober 1975 l'á le papa Paul VI detlaré beat deboriada con Arnold Janssen.

Ai 5 d'otober 2003 él, endô deboriada con Janssen, le fondadú dla Sozieté miscionara dla Parora divina, gnü detlaré sant.

(da: Döes Novènes a onú y por enterzesciu de sant Ojöp Freinademetz)

**“Plö che le Signur nes benedësc, tan deplö messunse laoré por Èl.”**

**“La tera por nos é foresta - nosta patria, nosta ciasa dal pere, é le Ci. Corassö n'él plö degönes lagrimes y tribolaziuns, degönes porsecuziuns y inimizies.**

**Porchël orunse nes ralegré y esulté!”**

(Sant Ojöp da Oies)

**Sorvisc dai Ministronc**

**Lönesc 29/01 (07:30h), Dédemesaledema 31/01 (18:00h):** Elisa y Emanuel Frenademetz;

**Vëndres 02/02 (18:00h) Prejentaziun tal tēmpl:** Elisa y Emanuel Frenademetz, Moltina Clara, Maddalena Deval, Marco y Sofia Alberti, Michael Leimegger, Chantal Feichter;

**Sabeda 03/02 (18:00h):** Anna, Linda, Luca y Max Clara, Lara Fappani, Giada y Ginevra Regis;

**Domègna 04/02 (10:00h):** Sofia Castlunger, Emma Daverda, Giovanni Comploi, Claudia y Susan Kaneider, Mattia Leggio, Jan Paul Promberger;

**Domègna 04/02 (18:00h):** André Castlunger, Simon Comploi, Lisa Maneschg, Nathan Migliorati, Philip Palfrader, Anna Sottrovish;

**N. B.: Düc i ministronc é entres begnodüs da gní a sorví, ince sce ai n'é nia scric sö!**

